

SHWBIZ KLIP

BON DIA



“Reencuentro cu Padu”...

Un produccion pa keda mantene y motiva generacionnan: e musica di Padu




Tabata diasabra pasa den ora di atardi pa anochi cu a tuma lugar e ceremonia di bautizo di e joya di produccion aki den Fort Zoutman. Un produccion

cu a conta cu e liderazgo y produccion di Ivan Quandus, Johnny Scharbaay y Carlos Bislip cu a pone nan talento hunto pa prepara, graba, ensambla y pone e temanan di Padu den un tuxido musica magistral cu nan a yama «Reencuentro cu Padu».

Riba e produccion aki ta aparece cantantenan invita cu tambe a fungi como madrina di e produccion, aki nos ta papiando di Mandy Villasmil cu ta porcierto esun mas chikito di edad cu a graba riba e cd aki.

Despues di e bautizo e banda cu a graba a presenta e temanan ‘live’ p’e invitadonan creando asina un ambiente masha bunita mes cu e musica aki



di Padu cu realmente a haya un tuxido y no un bachi nobo, cu esaki nos kier men cu el a haya un nivel musical nunca visto. E temanan mas popular sigur ta riba e produccion aki pa cual bo lo keda impresiona con nos artistanan local a interpreta esaki, no ta papi di e ‘chuleria’ cu a wordo adapta den e areglonan, sin destorcion e escencia, e sonido y melodia di Padu. Nos lo por keda skirbi paginan tras di otro pa purba di splica loke nos orea a scucha, pesey ta recomendabel p’abo busca e produccion aki n’e CD shop di bo preferencia y esun mas serca di bo cas.

E CD aki tin un total di 9 tema riba dje cu composicionnan original di Padu del Caribe aregla, manera ya caba nos bisa, redacta cu un estilo

moderno, e temanan cu ta aparece riba e esaki ta ‘Fiesta den cura, Abo so, Mi’n sa, Sonrisa di un baby, Nami un chens, Chanita, Mi Toloichi, Un recuerdo y Santa Anna School’.

Cu canto di e voz angelical di Tica Giel, e simpatica Ruth Gaarie, un di e streynan di Maybeline Arends-Croes su coro aki nos ta papiando di Mandy Villasmil, e popular y conocido Jeffrey Kelly, e talentoso violinista Omar Kock, el maestro Eduardo Maya, El Principe Hildward Croes, e inquieto Dennis Werleman y e multi talentoso Papito ‘Bochi’ Rafael.

Sin duda algun esaki ta un regalo p’abo mes y bo orecan y di mes di bo coleccion di nos propio talentonan y orguyo.

